

沿河西行，漸有樹木田舍，五時半至溫巴什巴雜，附近有舊時銅廠，因天晚，不及往查，七時抵鄂衣斯堂西村莊中住。此村莊名吉克地里克，已逼近山邊。在村莊西南七、八里有小溝，爲吉克地里克溝。溝中有佛洞六、七處，位於溝之兩岸，均在山腰或山麓，但已傾圮，亦無壁畫。依南一洞有壁畫，亦已剝蝕。洞之形式與克子爾佛洞相同，或屬同一系統。溝中有土阜，橫瓦溝中，瓦礫甚多，或爲古廟宇遺址。余等在此拾殘銅件及小銅錢，與庫車境內相同，是亦爲古龜茲國之遺物。余在此視察完後，即返駐次。下午三時繼續出發向西行，仍沿木札特河行，後轉入戈壁。七時三十分至卡克其莊，過察爾其河，九時半至察爾齊巴雜住。二十二日出發向西南行，經行戈壁，約十餘里入山口，此即喀拉克達格與確爾達格兩山相接處。進溝往西爲滴水岩，爲拜城有名銅礦區。居民三、四家，銅廠在其北土阜上，依岩鑿洞，形如石室，門向南者二處，向東者一處，疑爲工人住室。在洞穴前面，堆積炭渣及塵土甚多，在土阜上有石灰壁殘塊及陶片，爲舊時房屋遺址，本地名爲穹康，義謂大銅廠。又有小銅廠在南山中，現均停閉。過滴水岩，向西南行入戈壁，四十里入溝，至托和拉旦。此爲拜城縣屬之西托和拉旦，與庫車所屬之東托和拉旦，遙遙相對，形成拜城盆地之東西兩缺口。二十三日由西托和拉旦西南行，經一大坂，圖志稱爲求里黑塔達坂，抵哈拉玉爾滾腰店子住。玉爾滾義謂紅柳，即載記所稱檉柳，爲沙漠中特產，高不過一·七米，紅莖綠葉，枝條茂密。此地由玉爾滾西至札木台爲一湖灘，遍生紅柳葦草，有紅柳爲黑色，特異他處，故稱哈拉玉爾滾。新疆圖志道路志謂：「回語玉爾滾謂垂柳，柳蔭深黑故名」，非其實也。十二月二十四日，繼續出發向西行，過一乾河川，又連過二小河，即抵札木台巴雜。札木台爲阿克蘇一大鎮，北通伊犁，東至拜城，均由此分途，故此地爲交通要道。余等住札木台西三十里之克子爾鄂依斯塘，距阿克蘇九十里。十二月二十五日，余等遂遵循大道至阿克蘇。

以上是余於一九二八年去阿克蘇路線。在一九二九年返烏魯木齊時，亦經過此地。但當時係走北道，傍北山邊行，現將回程附帶敘述如下：我於一九二九年九月二十三日，由阿克蘇出發東行四十里至四十里欄杆。往北約十五里許，有一舊營壘，名喀拉馬克沁，周一百零八米，有城牆一段，高二·六米，土築。地面散布紅陶片及鐵塊甚多，城東並有房屋遺址，城北紅泥起伏，亦散布紅陶片，尚有一瓦缸半掩土中。據說此城東約十里沙磧中，亦有一古址，其名相同。傳說北山口有一石城，又有白石，上刻字，我於二十四日僱一引導前去查看。由欄杆旁之麻札出發，沿阿克該鄂斯塘北偏東行，經石戈壁，四十里至達郎山口，達郎河從山口流出，有若干小石堆散布河兩岸。據說此處原爲一石城，名喀拉馬克沁，義謂「蒙古城」，後爲敵人所毀，故已失其原形。余疑爲蒙古人駐兵之地，並非城。余等在達郎山口察看石堆後，入口北行，經石戈壁至阿克打什，確有白石高十餘丈，屹立戈壁上，類似房屋，檢視並無刻字。然在此石堆附近，有古道遺迹，豎石爲記，或即古時北通伊犁之支路也。